

URAREN EUSKAL AGENTZIAKO 6 LANPOSTU HAUEK BETETZEKO PROZESUA ARAUTZEN DUTEN OINARRIAK: PROIEKTU ETA LAN HIDRAULIKOAK ZUZENTZEKO TEKNIKARI.

LEHENENGO OINARRIA.- DEIALDIAREN XEDEA.

Oinarri hauen xedea da PROIEKTU ETA LAN HIDRAULIKOAK ZUZENTZEKO TEKNIKARIEN 6 lanpostuak betetzeko prozedura arautzea; lanpostu horiek betetzen dutenak lan-kontratudun langile finkoak izango dira URAREN EUSKAL AGENTZIAN –Eusko Jaurlaritzako Ekonomiaren Garapen, Jasangarritasun eta Ingurumen Sailaren zuzenbide pribatuko erakunde publikoa–, eta hemen emango ditu zerbitzuak: Uraren Euskal Agentziaren hiru bulegoetan, EAEko hiru hiriburuetan.

Deialdiaren xede den lanpostua behin betiko beteko da, lanaldi osoz, teknikari-kategorian; urteko soldata gordina 53.903,94 euro izango da.

Halaber, lan-poltsa bat osatuko da PROIEKTU ETA LAN HIDRAULIKOAK ZUZENTZEKO TEKNIKARIAREN lanposturako, lan-poltsako kideek aldi baterako zerbitzuak eman ditzaten, zazpigarren oinarrian jasotako kasuetan izan ezik, Uraren Euskal Agentziako hiru egoitzetan, oinarri hauetan zehazten den moduan.

Prozedura honi urriaren 30eko 5/2015 Legegintzako Errege Dekretuaren 52., 53. 54. 55. eta 59. artikulua aplikatuko zaizkio (xedapen horrek Enplegatu Publikoaren Oinarrizko Estatutuaren testu bategina onartu zuen).

Deialdia EHAAn argitaratuko da, eta oinarriak Agentziaren web-orrian (www.uragentzia.euskadi.eus) eta Campo y Ochandiano kanpoko aholkularitza-enpresaren web-orrian (www.campo-ochandiano.com) eskuratu daitezke.

LANPOSTUAREN XEDE OROKORRA

URAK sustatutako obra publiko hidraulikoen proiektuak idazteko eta gauzatzeko lanak zuzentzea, eta proiektuak eta obrak behar bezala garatzeari eta aplikatzekoak diren arau guztiak betetzeari buruzko guztia kudeatzea. Proiektuak idazteko eta lanak gauzatzeko izapideak eta onarpena koordinatzea, esku hartzen duten administrazio publikoekin eta beharrezkoak diren administrazio eta pertsona interesdunekin lankidetzan.

EGINKIZUN OROKORRAK

- Obra hidraulikoen proiektuak zuzentzea eta gauzatzea
- Obra hidraulikoen proiektuak egitea eta gauzatzea
- Obra hidraulikoen proiektuak gainbegiratzea

- Proiektuak idazteko eta obrak egiteko lanak koordinatzea
- Obra hidraulikoen balorazio-txostenak egitea
- Obra hidraulikoen garapena planifikatzea eta programatzea
- Proiektuen eta obren garapena koordinatzea eta beste administrazio batzuekin lankidetzan aritzea.

BIGARREN OINARRIA. - IZANGAIEK BETE BEHARREKO BALDINTZAK

A) BALDINTZA OROKORRAK

- a) Nazionalitatea: Europar Batasuneko estaturen bateko nazionalitatea izatea; edo, Europar Batasunak izenpetu eta Espainiako estatuak berretsitako nazioarteko tratatuen arabera, langileen zirkulazio askea aplikatu behar zaion estaturen bateko herritarra izatea.
- b) Adina: hamasei urte beteta izatea eta nahitaezko erretiroa hartzeko adina ez izatea.
- c) Gaitasun funtzionala: ez izatea gaixotasunik edo mugapen fisiko edo psikikorik, eginkizunak betetzea eragotziko duenik.
- d) Gaikuntza: ez egotea bereiztuta diziplinazko espediente baten bidez administrazio publikoen edo autonomia-erkidegoetako organo konstituzional edo estatutupekoen zerbitzutik, eta ez izatea ezarrita ebazpen judizial baten bidez enplegu edo kargu publikorako erabateko desgaitasunik edo desgaitasun berezirik. Beste estatu bateko herritarra izanez gero, izangaiak ezingo du desgaituta egon, ez eta egoera baliokidean egon ere, eta ezingo du ezarrita izan diziplina-zehapenik edo zehapen baliokiderik, zeinaren bidez, baldintza beretan, enplegu publikorako sarbidea eragotzen zaion jatorriko estatuan.
- e) Aurrekari penalak: izangaiak ezingo du izan ondarearen, ordena sozioekonomikoaren, herri-ogasunaren eta Gizarte Segurantzaren aurkako doloak delituen ondoriozko aurrekari penal ez-ezerezturik, edo ezereztu ezin daitekeenik, eta ezingo du izan kargua eteteko edo kargutik kentzeko administrazio-ebazpen irmo baten bidez ezarritako zehazpenik, apirilaren 28ko 10/2010 Legea urratu izanaren ondorioz (Kapitalak zuritzea eta terrorismoaren finantzaketa prebenitzeko apirilaren 28ko 10/2010 Legearen Erregelamendua onartzen duen maiatzaren 5eko 304/2014 Errege Dekretuaren 40. artikulua).

Baldintza orokorrak baztertzaileak izango dira, kasu guztietan.

B) BALDINTZA ESPEZIFIKOAK

- a) Titulazioa:

BIDE, UBIDE ETA PORTUETAKO INGENIARITZA

Titulazioa atzerrian eskuratu duten izangaiek egiaztatu beharko badutela baliozkotze-agiria edo, hala badagokio, homologazioaren ziurtagiria.

Azken baldintza hori ez zaie aplikatuko araututako lanbideen eremuko lanbide-kualifikazioa Europar Batasuneko Zuzenbideko xedapenekin bat aitortua dutenei. Izangaiei betebeharra da aitorten hori egiaztatzea.

Era berean, gradua (edo ingeniari-tza tekniko) duen sarbidea eta lanbide arautua gaitzen duen masterra hartuko dira kontuan.

- b) Azken 12 urteetan lan eta proiektu hidraulikoen zuzendaritzan gutxienez 5 urteko esperientzia izatea.
- c) Gidabaimena: B

Baldintza espezifikoak baztertzailak izango dira, kasu guztietan.

Honako hauek baloratuko dira proba edo egiaztatze bidez:

- d) Proiektuak idazten eta hidraulikoko obra-zuzendaritzetan esperientzia izatea
- e) Obra eta proiektu hidraulikoen zuzendaritzari eta aplikatu beharreko araudiari buruzko ezagutza orokorrak.
- f) Proiektuen zuzendaritzan eta obra publikoak gauzatzean izandako ezagutza eta esperientzia.
- g) Ezagutzak izatea uraren eta kontratazio publikoaren arloei buruz.
- h) Lidergo-gaitasuna, antolaketa eta plangintza, talde-lanerako gaitasuna eta aldaketari erantzun positiboa emateko gaitasuna.
- i) Euskara eta beste hizkuntza batzuk jakitea.

HIRUGARREN OINARRIA. - ESKAERAK AURKEZTEA

Hautaketa-prozesuan parte hartzeko eskaerak web-orri honen bidez SOILIK aurkeztuko dira: www.campo-ochandiano.com.

Izangaiek beren **hautagaitza erregistratu eta curriculum bidali behar dute**; horretarako, hautaketa-enpresaren web-orrira jo (www.campo-ochandiano.com) eta **6226 erreferentzia** duen eskaintzari erantzun behar diote.

Orobat, dokumentu hauek bidali behar dituzte 6226uragentzia@campo-ochandiano.com helbide elektronikora:

1. “1. dokumentua. Eskaera” eta “2. Dokumentua. Esperientzia eta Prestakuntza egiaztatzea” : eskaera-orriak, zeinean izangaiak adieraziko baitu betetzen dituela deialdiaren oinarrietan eskatutako baldintza guztiak (*eskaera-ereduak hautaketa-enpresaren web-orriko Ur Agentziaren webgunean daude, lan-eskaintzen atalean*).
2. Curriculum.
3. NANaren edo agiri baliokidearen fotokopia.
4. Deialdian parte hartzeko eskatu den titulu ofizialaren kopia.
5. Eskatu den gidabaimenaren kopia.
6. % 33ko edo hortik gorako desgaitasunaren ziurtagiria (halakorik izanez gero).

Eskaerak aurkezteko epea 2022ko maiatzaren 20ko 12:00etan amaituko da. Eskaera aurkezteak esan nahi du berariaz onartzen direla deialdi honen oinarriak.

LAUGARREN OINARRIA. - ESKAERAK EGIAZTATZEA

Zuzentzeko modukoak diren hutsak zuzentzeko, hamar egun balioduneko epea egongo da, onartuen eta baztertuen behin-behineko zerrenda argitaratzen den egunetik zenbatzen hasita.

Interesdunek mezu bat jasoko dute posta elektronikoko helbidean –aholkularitza-enpresaren web-orrian erregistratzeko erabili zuten hartan–, zeinaren bidez jakingo baitute izangaietatik zein baztertu diren behin betiko parte hartzeko baldintzak ez betetzeagatik, eta zein izan den arrazoa.

Onartuen eta baztertuen behin betiko zerrenda URaren web-orrian (www.uragentzia.euskadi.eus) eta hautaketa-enpresaren web-orrian (www.campo-ochandiano.com) argitaratuko da.

BOSGARREN OINARRIA. - HAUTAKETA-PROZEDURA

Fase hauek izango ditu hautaketa-prozedurak:

1. FASEA: PROBAK (Gehieneko puntuazioa: 50 puntu)

Uraren Euskal Agentziaren web-orrian eta hautaketa-enpresaren web-orrian (www.campo-ochandiano.com) argitaratuko da probak noiz, non eta zer ordutan egingo diren. Lehenengo faseko proba teorikoak eta/edo praktikoak egun berean egingo dira.

1.A FASEA

Test motako proba. Bertan, deialdi honetan aurrez zehaztutako gai-zerrendako ezagutzak baloratuko dira (l. eranskina), eta gehienez 20 puntu lortuko dira.

Gutxienez gehienezko puntuazioaren erdia (10 puntu) lortu dutenak pasatuko dira 1B fasera.

Hala ere, gainditu duten pertsonen kopurua 20 baino txikiagoa bada, gainditu dutela ulertuko da, eta puntuaziorik handiena lortzen dutenek hurrengo ariketara pasatuko dira, betiere 8 puntu baino gehiago lortzen badituzte, 20 pertsonara iritsi arte. Notak moztean berdinketa gertatzen bada, nota berdinak dituzten pertsona guztiek gaindituko dute ariketa hori.

1.B FASEA

Proiektu eta obra hidraulikoen zuzendaritzari buruzko ezagutza-proba: 30 puntu, gehienez.

Gutxienez gehienezko puntuazioaren erdia (15 puntu) lortu dutenak pasatuko dira 2. fasera.

Hala ere, gainditu duten pertsonen kopurua 15 baino txikiagoa bada, gainditu dutela ulertuko da, eta puntuaziorik handiena lortzen dutenek hurrengo ariketara pasatuko dira, betiere 12 puntutik gorakoa bada, 15 pertsonara iritsi arte. Notak moztean berdinketa gertatzen bada, nota berdinak dituzten pertsona guztiek gaindituko dute ariketa hori.

2. FASEA: KONPETENTZIEI BURUZKO ELKARRIZKETA (Gehienezko puntuazioa: 20 puntu)

a) Elkarrizketa bat egingo zaie 1. fasean puntuazio handiena lortu duten lehen 15 pertsonari. Berdinketarik izanez gero, puntuazio bera duten pertsona guztiek egingo dute elkarrizketa: helburua da izangaiak ebaluatzea deitutako lanpostua betetzeko beharrezkoak diren lidergo-gaitasunean, antolaketan eta plangintzan, talde-lanerako gaitasunean eta aldaketari erantzun positiboa emateko gaitasunean

Modu zehaztuan ebaluatu eta diskriminatuko da elkarrizketatutako hautagaitzek lanpostua betetzeko ezaugarriak, trebetasunak eta gaitasunak behar bezala betetzen dituzten.

Elkarrizketa hori kanpoko aholkularitza-enpresak egingo du, 1. faseko proba guztiak zuzendu ondoren.

b) Gaitasun-nortasunaren proba: lanpostua behar bezala betetzeko gaitasunei buruzko proba izango da. Elkarrizketa nortasun-probatik lortutako informazioarekin osatuko da. Proba hau berariaz diseinaturik dago laneko hainbat alderditan adierazgarriak diren portaerekin lotutako lanbide-arloko gaitasunak neurtzeko.

a) Merezimenduak baloratzeko/puntuatzeko egiaztagiria entregatzea:

- a. Esperientzia: lan-bizitzaren agiriaren bidez eta eginkizun-ziurtagiriaren bidez justifikatuta dagoen esperientzia soilik baloratuko da.

- b. Deialdiaren xede den lanpostuaren eginkizunekin zerikusia duen prestakuntza espezifikoa den titulua. Unibertsitate-titulu ofizialak baino ez dira entregatuko.
- c. Euskararen hizkuntza-eskakizuna egiaztatzea.
- d. Beste hizkuntza batzuen jakintza egiaztatzea.

2. FASEko probak egiteko proposatzen den egunean entregatu behar dira merezimendu-faseko egiaztagiria. Aurrealdea eta atzealdea agertuko dira kopietan.

Egiaztagirien egite-datak nahitaez izan beharko du eskaerak aurkezteko azken eguna baino lehenagokoa.

3. FASEA: MEREZIMENDUAK ETA EUSKARA (Gehienezko puntuazioa: 41 puntu)

Merezimenduak eta euskara baloratuko dira fase honetan.

3.1. FASEA (MEREZIMENDUAK)

I. ERANSKINEAN jasota dagoen lanpostua behin betiko betetzeko prozeduran, merezimenduak honela baloratuko dira:

1) Egindako lanaren balorazioa: Proiektu eta obra hidraulikoen zuzendaritzan behar bezala egiaztatutako esperientzia profesionala gehienez ere 24 punturekin baloratuko da, baremo honen arabera:

- Puntu 1 emango da proiektu eta obra hidraulikoen zuzendaritzan arduradun edo teknikari lanpostuetan lan egindako hilabete bakoitzeko, lanpostuan eskatutako 5 urtetik aurrera.
- 0,5 puntu emango dira proiektu eta obra publikoen zuzendaritzako arduradun edo teknikari lanpostuetan lan egindako hilabete bakoitzeko.

Justifikazio hori egiteko, hautagaiak lanetan izandako esperientziaren banakapena aurkeztu beharko du II. ereduan, eginkizun nagusiak eta horien epea adierazita. Gizarte Segurantzaren lan-bizitzari buruzko txostena aurkeztu beharko da.

2) Prestakuntza: unibertsitate-titulu ofizialak gehienez ere 5 punturekin baloratuko dira:

a) Unibertsitate-titulu ofizialak eragin zuzena eta espezifikoa badu deialdiko plazaren eginkizunak betetzeko garaian, gehienez ere 3 punturekin baloratuko da, honela:

- (i) Doktoretza: 3 puntu, titulu bakoitzeko.
- (ii) Bestelako unibertsitate-diplomak eta -masterrak.

- (1) 250 ordu edo gehiagokoak eta 600 ordu baino gutxiagokoak badira: puntu 1, titulu bakoitzeko.
- (2) 600 ordu edo gehiagokoak badira: 2 puntu, titulu bakoitzeko.

Unibertsitate-ikasketa berbereko hainbat ziklo gainditu izana ziurtatzen duenari horien artetik maila goreneko zikloaren titulua besterik ez zaio baloratuko.

Ez da baloratuko gradu-titulua, baldin eta ikasketa berberen unibertsitate-titulua (diplomatura edo lizentziatura, ingeniari-tza, ingeniari-tza teknikoa, arkitektura edo arkitektura teknikoa) dutenei zuzendutako egokitzapen-ikastaro baten bidez lortu bada. Sarbideak gradua (edo ingeniari-tza teknikoa) badu, araututako lanbideak gaitzen dituzten masterrak ez dira merezimendutzat hartuko, sartzeko titulaziotzat baizik.

3) Frantsesa, ingelesa edo alemana jakitea gehienez ere 1 punturekin balioetsiko da, baremo honen arabera:

- a) Hizkuntza-eskola ofizialeko B1 maila edo baliokidea, frantsesean, ingelesean edo alemanean: 0,25 puntu, hizkuntza bakoitzeko.
- b) Hizkuntza-eskola ofizialeko B2 maila edo baliokidea, frantsesean, ingelesean edo alemanean: 0,5 puntu, hizkuntza bakoitzeko.
- c) Hizkuntza-eskola ofizialeko C maila edo baliokidea, frantsesean, ingelesean edo alemanean: 1 puntu, hizkuntza bakoitzeko.

3.2. FASEA (EUSKARA)

Euskararen balorazioa: euskara jakitea nahitaezkoa ez den kasuetan, baremo honen arabera baloratuko dira hizkuntza-eskakizunak:

- (1) 1. hizkuntza-eskakizuna egiaztatzen bada: 6 puntu.
- (2) 2. hizkuntza-eskakizuna egiaztatzen bada: 8 puntu.
- (3) 3. edo 4. hizkuntza-eskakizuna egiaztatzen bada: 11 puntu.

Hautaketa-enpresak txosten bat idatziko du emaitzak biltzeko; ondoren, Epaimahaiak emaitzak onartutakoan, akta egingo da, zeinean adieraziko baita zein 6 izangaiek lortu dituzten puntu gehien 1., 2., 3. eta 4. faseetan eta zein diren, puntuazio-hurrenkeraren arabera, haren atzetik behin betiko geratu diren hurrengo pertsonak. Zerrenda horretako izangaiek proiektu eta lan hidraulikoak zuzentzeko teknikariaren lan-poltsan sartuko dira. Lan-poltsak 5 urteko indarraldia izango du argitaratzen den egunetik. Merezimenduak lan-poltsako kide guztientzat barematuko dira.

Uraren Euskal Agentziaren eta Campo & Ochandianoren web-orrietan argitaratuko da zerrenda, izangaien NANaren laugarren, bosgarren, seigarren eta zazpigarren posizioekin argitaratu ere.

SEIGARREN OINARRIA. - KALIFIKAZIO-EPAIMAHAIA

Uraren Euskal Agentziaren zuzendari nagusiak izendatutako epaimahai batek ebaluatuko du prozedura.

Kalifikazio Epaimahaia nagusiki teknikoa izango da, eta, hura osatzeko, aintzat hartuko dira espezialitate-, inpartzialtasun- eta profesionaltasun-printzipioak eta emakumeen eta gizonen berdintasuna. Honako hauetan xedatutakoa kasu guztietan beteko da: Enplegatu Publikoaren Oinarrizko Estatutuaren Legearen testu bateginaren 60. artikulua (urriaren 30eko 5/2015 Legegintzako Errege Dekretuaren bidez onartu zen testuategina) eta Euskal Funtzio Publikoaren uztailaren 6ko 6/1989 Legearen 31. artikulua.

Kalifikazio Epaimahaiak kide kopuru bakoitia izango du; horietako bat epaimahaiburu izango da, eta besteak epaimahaikide. Kideetako bat idazkari izendatuko da. Epaimahaia osatzen duten guztiek ordezkioa izango dute.

Izendapenak egiteko garaian, kideen egokitasuna eta kualifikazioa bermatuko dira.

Epaimahaiak erabaki dezake aholkulari espezialistak hartzea hautaketa-prozesuko proba bateko edo batzuetako lanetarako. Aholkulari espezialista horiek hitza izango dute, baina botorik ez, eta beren lan bakarra izango da epaimahaiari laguntzea espezialitate teknikoetan.

ZAZPIGARREN OINARRIA. - IZANGAIA AUKERATZEA ETA LAN-POLTSA ERATZEA.

Hautaprobak amaitutakoan, Kalifikazio Epaimahaiak guztizko puntuaziorik altuena duten 6 izangai kontratatzeko proposamena egingo du –guztizko puntuazioa fase bakoitzean lortutako puntuen batura izango da–.

Hautagaiek helmugako lurraldea aukeratuko dute, lortutako puntuazio-ordenaren arabera, lurralde historiko desberdinetako plazak hornituz gero. Hautaketa hori Uraren Euskal Agentziari jakinaraziko zaio, behin betiko emaitza argitaratzen denetik 3 egun balioduneko epean.

Horretaz gainera, Epaimahaiak, aldi baterako beharrak estaltzeko lan-poltza bat eratze aldera, zerrenda bat osatzeko proposamena egingo du, zeinean jasoko baitira guztizko puntuazio altuena duten hurrengo pertsonak –fase bakoitzean lortutako puntuak batuko dira horretarako-. Gutxienez 8 puntu lortu beharko dira 1A fasean, eta 12 puntu 1B fasean, lan-poltsetan sartzeko.

Salbuespen gisa, deialdi honetako plazak esleitzen direnetik urtebeteko epean plaza horietakoren bat hutsik geratzen bada, lan-poltzako langileei dei egingo zaie, lehentasun-hurrenkeraren arabera, lanpostu hutsa lan-kontratudun finko gisa betetzeko. Nolanahi ere,

kontuan hartuko da deialdi honetarako egiaztatutako sarbide-baldintzak betetzen direla, eta ez geroagokoak, bai hizkuntza-eskakizunari dagokionez, bai gainerako betekizun edo merezimenduei dagokienez. Argitaratu eta lehenengo urtean ez da aldatuko lan-poltsaren lehentasun-ordena.

Berdinketa gertatuz gero, eta izangaiek gaitasun berberak badituzte, emakumeei lehentasuna emango zaie maila eta kategoria jakin batzuetan –hain zuzen ere, emakumeen ordezkartza % 40tik beherakoa denetan–, salbu eta beste izangai batek neurri hori ez aplikatzea justifikatzen duten ezaugarriak baditu –ezaugarriok ez dute eragin behar sexuaren ziozko diskriminaziorik–, hala nola laneratzeko eta lanbide-sustapenerako arazo bereziak dituzten beste kolektibo batzuetako kide izatea–. Hori guztia, bat etorritik Emakumeen eta Gizonen Berdintasunerako otsailaren 18ko 4/2005 Legearen IV. kapituluko 20.4.a) artikuluekin.

Behin guztizko puntuazio altuena duten izangaiek hautatu denean, lan-poltsa osatuko da, zeinean lehentasuna izango baitute prozesuko fase guztiak gainditu eta gutxienez % 33ko desgaitasuna dutela egiaztatzen duten izangaiek. Merezimenduak baloratzeko fasean lortutako puntuak 1,3 zenbatuko dira; hau da, lortutako balio errearen % 30 gehiago. Horretarako, nahitaezkoa izango da dagozkion ziurtagiriak aurkeztea.

1., 2. eta 3.faseetan berdinketa gertatzen bada, Epaimahaiak erabaki dezake, beharrezkoa irizten badio, beste proba bat egitea, izangai egokiena hautatze aldera.

ZORTZIGARREN OINARRIA. - HAUTAPROBAK AMAITUTAKOAN AURKEZTU BEHAR DEN DOKUMENTAZIOA.

Interesdunei jakinaraziko zaie zer izangai hautatu diren, eta pertsona horiek Uraren Euskal Agentzian aurkeztu beharko dituzte Bigarren Oinarrian jasota dauden parte hartzeko baldintzak betetzen dituztela egiaztatzen duten agiriak, kontratua sinatu baino 10 egun natural lehenago. Horretarako, honako hauen jatorrizko agiriak edo kopia konpultsatuak eman behar dituzte, aurrez aurkeztutako dokumentazioa osatu arte:

- Curriculumean adierazitako prestakuntza akademikoa egiaztatzen duten titulu, ziurtagiri edo diplomen kopia autentifikatua, edo halakoak eskuratzeko tasak ordaindu izanaren frogagiria.

Atzerriko tituluak dituzten izangaiek baliozkotzearen edo homologazioaren egiaztagiria aurkeztu beharko dituzte.

Araututako lanbideen eremuko lanbide-kualifikazioa Europar Batasuneko Zuzenbideko xedapenekin bat aitortua dutenek agiri bidez egiaztatu behar dute egoera hori.

- Hizkuntzen ziurtagiriaren kopia autentifikatua edo fotokopia.

- Lan-bizitzaren agiria, zeinak egiaztatu behar baitu curriculumean adierazitako esperientzia profesionala.

- Zinpeko deklarazioa edo hitzmatea, non izangaiak adieraziko baitu ez dagoela diziplinazko espediente baten bidez bereiztuta administrazio publikoen edo autonomia-erkidegoetako organo konstituzional edo estatutupekoen zerbitzutik, eta ez duela ezarrita ebazpen judizial baten bidez enplegu edo kargu publikorako erabateko desgaituntzarik edo desgaituntza berezirik. Halaber, zinpeko deklarazioa edo hitzmatea aurkeztu behar dute, adierazteko ez daudela nahastuta desgaitasuneko edo bateraezintasuneko legezko ezein kausatan. Espainiako nazionalitatea ez duten izangaiak zinpeko deklarazioa edo hitzmatea aurkeztu behar dute, esateko beren estatuan ez daudela desgaituta edo egoera baliokide batean eta ez dutela ezarrita enplegu publikorako sarbidea eragozten duen diziplina-zehapenik edo neurri baliokiderik.

Betekizun hori egiaztatzeko, eredu normalizatu bat jarriko da izangai hautatuen eskura.

- Esleitutako lanpostuan aritzeko eskatu diren bestelako baldintza espezifikoaren egiaztagiria, hala badagokio.

Eskatutako dokumentazioa adierazitako epean aurkezten ez duten izangaiak prozesutik kanpo geratuko dira, eta Uraren Euskal Agentziak gai kalifikatu den hurrengo izangai kontratatu ahal izango du, betiere prozeduraren amaierako puntuazioaren hurrenkerari jarraituz.

Lan-poltsako kideen puntuazio-hurrenkera zein den, ordena horretan deituko zaie.

PUNTUAZIO-LABURPENA

	Irizpidea		Gehieneko puntuazioa:
1. fasea	Ezagutza-probak		50
2. fasea	Konpetentziei buruzko elkarrizketa	C&O	20
3. fasea	Merezimenduak	Esperientzia	24
		Prestakuntza	5
		Hizkuntzak	1
	Euskara	Euskara	11

(*) Euskararen jakite-maila egiaztatzea merezimendu gisa baloratuko da hizkuntza-eskakizuna eskatzen ez duten plazetarako.

BEDERATZIGARREN OINARRIA. - DATUEN BABESA

Interesdunari jakinarazten zaio Uraren Euskal Agentziak bere datu pertsonalak tratatuko dituela –**Uraren Euskal Agentzia; Orio kalea 1-3, 01010 Gasteiz**). “HAUTAKETA-PROZESUAK” tratamenduaren helburua da lanpostuak betetzeko pertsonal-hautaketen prozedurak egitea, tratamenduaren arduradunari emandako botere publikoen arabera (Euskal Funtzio Publikoaren

uztailaren 6ko 6/1989 Legea eta Enplegatu Publikoaren Oinarrizko Estatutuaren Legearen testu bategina onartzen duen urriaren 30eko 5/2015 Legegintzako Errege Dekretua). Datuak zertarako bildu ziren, helburu hori betetzeko beharrezkoa den denboran gordeko dira datuak, bai eta helburu horren ondorioz eta datuen tratamenduaren ondorioz sor litezkeen erantzukizunak zehazteko behar den denboran ere. Datuak ez zaizkie hirugarrenei lagako, legeak hala behartu ezean. Interesdunak datuak eskuratzeko, zuzentzeko eta ezabatzeko eskubideak baliatu ahal izango ditu, bai eta datuok tratatzeari mugak jartzeko edo aurka egiteko eskubideak ere. Horretarako, jakinarazpen bat bidali beharko dio idatziz tratamenduaren arduradunari, eskubideak baliatzeko prozeduraren bidez. Era berean, Datuak Babesteko Euskal Bulegoaren aurrean edozein erreklamazio egiteko ahalmena du, edo Datuak Babesteko Ordezkararen aurrean aurretiazko erreklamazio bat egin dezake. Informazio gehiago nahi izanez gero, jo webgune honetara: <https://www.euskadi.eus/servicios/10842>.

Prozeduran parte hartzeko eskaeran, izangaiei esanbidezko adostasuna eskatuko zaie, jakiteko ea onartzen duten beste administrazio publiko batzuei beren datuak lagatzea Hamargarren Oinarrian adierazitako ondoreetarako. Datuak lagatzearen helburu bakarra izango da beste administrazio publiko batzuen lan-eskaintzak jasotzea legez ezarritako baldintzetan. Izangaia ez badu esanbidez baimena ematen, lagatzearen kontra dagoela ulertuko da.

HAMARGARREN OINARRIA. - ADMINISTRAZIO PUBLIKOEN ARTEKO LANKIDETZA.

Uraren Euskal Agentziak, aurreko oinarrian xedatutakoaren arabera, EAEko beste administrazio edo erakunde publiko batzuen esku jar dezake lan-poltsan sartu diren izangaien zerrenda, baldin eta administrazio edo erakunde horiek hala eskatzen badute eta izangaiek 9. oinarrian aipatutako esanbidezko adostasuna eman badute. Edonola ere, eskaerei benetan erantzuteko, bi baldintza hauek kontuan hartuko dira: lan-poltsako kideen prestasuna eta Uraren Euskal Agentziaren pertsonal-beharrak.

1. ERANSKINA.- GAI-ZERRENDIA

1. Uraren Esparru Zuzentaraua. Ingurumen-helburuak. Ur-masen motak eta karakterizazioa, presioak eta eraginak. Egoera ekologikoa, ahalmen ekologikoa eta ur-masa artifizialak eta oso aldatuak izendatzea. Demarkazio hidrografikoaren ezaugarriak. Kostuak berreskuratzea. Plangintza hidrologikoaren helburu nagusiak. Neurrien programa. Lurpeko urak babesteko zuzentaraua.
2. Estatuko Uren Legearen testuategia eta Jabari Publiko Hidraulikoaren Erregelamendua. Jabari publiko hidraulikoa: ur publiko eta pribatuak. Erabilera komun eta pribatiboak. Emakidak eta Baimenak. Uren erregistroa. Jabari publiko hidraulikoaren, zortasun-eremuen eta zaintza eremuen araubide juridikoa. Neurtze eta mugatzea. Uren Legea eta bere Erregelamenduak, plangintza hidrologikoari dagokionez. 9/2008 Errege Dekretua, urtarrilaren 11koa, Jabari Publiko Hidraulikoaren Erregelamendua aldatzen duena. Lehentasunezko Fluxugunea, Hustutze Biziko Bidea.
3. Estatuko arau-esparrua, itsasertzari dagokionez. Itsaso eta Lehorren arteko jabari publikoa erabiltzea eta erabilerak igarobidearen eta babesteko zortasun-eremuetan. Xedapen Orokorrak. Proiektu eta obrak itsaso eta lehorren arteko jabari publikoan. Proiektuaren Edukia.
4. Euskal Herriko Araudia. 1/2006 Legea, ekainaren 23koa, Urarena. 25/2015 dekretua, martxoaren 10ekoa, Uraren Euskal Agentziaren Estatutuak onartzen dituena.
5. Plangintza-eremuak EAEn. Demarkazio Hidrografikoak. Garrantzizko Gaien Eskema. Ondorioak. Ebatzi beharreko arazo nagusiak: neurrien programaren ildo orientagarriak. 1/2016 Errege Dekretua, urtarrilaren 8koa, zenbait plan hidrologikoren berrikuspena onartzen duena.
6. EAEn indarrean dauden Uholde-arriskugarritasun mailaren arabera lurzorua erabiltzeko arauak. Erabilera-murritzeak. Administrazio Hidraulikoaren jarduketa aipatu murritzeak ezarri eta betearazteko.
7. Euskal Herriko Ingurugiroa Babesteko Lege Orokorra.
8. Uholde-arriskua ebaluatu eta kudeatzeko Zuzentaraua eta 903/2010 Errege Dekretua, uztailaren 9koa, uholde-arriskuen ebaluazioari eta kudeaketari buruzkoa, uholde-arriskuari buruzko mapak eta uholde-arriskua kudeatzeko planak. Lurzoruen erabilera, uholde-arriskugarritasun mailaren arabera. 9/2008 Errege Dekretua, urtarrilaren 11koa, Jabari Publiko Hidraulikoaren Erregelamendua aldatzen duena. Lehentasunezko Fluxugunea, Hustutze Biziko Bidea. Uholde-arriskua kudeatzeko planak. 18/2016 Errege

Dekretua, urtarilaren 15ekoa, zenbait Demarkazio Hidrografikoren uholde-arriskua kudeatzeko planak onartzen dituen.

9. Ibai, hezegune kontinentalak eta padurak leheneratu eta kontserbatzeko oinarri teoriko eta orokorrak. Ingeniaritza naturalistikoko teknikak.
10. Populazioak babesteko obren tipología eta diseinu-irizpideak. Kostu-onura analisia. Ingurugiro-analisia. Ibai-hidraulika. Uraldi maximoak prebenitu eta kalkulatzeko. Bideratzeak. Zubien hidraulika. Naturan oinarritutako obrak.
11. Ingurugiro-ebaluazioa. Printzipioak. Ingurumen-inpaktua ebaluatzeko esparru juridikoa: plan eta programa publikoen ingurugiro-ebaluazio estrategikoa. 21/2013, abenduaren 9koa, ingurumen-ebaluazioari buruzkoa. Ingurumena babesteko 3/1998 Lege Orokorra, otsailaren 27koa.
12. Ingurumena obra hidraulikoan eta ur-bitartekoaren ustiatzean. Ur-masen eutrofizazioa. Fauna-aberastasuna. Babes-irudiak. Biodibertsitate-indizeak. Emari ekologikoak. Obra hidraulikoen ondoriozko eraginak. Neurri zuzentzaileak. Obren Ingurumen-kontrolaren programazioa. Obren ingurumen-zainketarako programak. Jarduketa eta zuhurtziak espezie inbaditzaileen aurrean.
13. EAEko Lurralde Antolamenduaren Gidalerroak (LAG). EAEko Ibaiei eta Erreken Ertzak Antolatzeak eta EAEko Itsasertza Babestu eta Antolatzeak lurralde plan sektorialak.
14. Hezeguneak. EAEko Hezeguneen Lurralde Plan Sektoriala. Hezeguneak mugatzea. Hezeguneak babesteko eta kontserbatzeko mekanismoak. Birgaitzea edo berriztapena. Habitat Zuzentaraua. Ramsar Hitzarmena.
15. Presak eta baltsak. Orokortasunak. Presa, urtegi eta baltsentzako araudia eta segurtasun-arauak. Presa eta baltsen sailkapena. Presa hustutzeko organoak. Ustiapen-arauak eta larrialdietako plana. Hustuketa batzordea. Monitorizazioa. Modelizazio numerikoaren oinarritzko alderdiak.
16. Dauden bitartekoak ebaluatzea: erregimen naturaleko bitartekoak, ingurumen-beharrak eta eskura dauden bitartekoak. Eskariak. Ingurumen-eskaria. Balantze hidraulikoak. Bitartekoak ustiatzeko sistemak: Bitartekoak optimizatzeak eta simulatzeko ereduak. Ekarpentzako banatzeko legeak. Ur-emia neurtzeko estazioak: motak, eraikuntza-ezaugarriak eta hautaketa-irizpideak. Azaleko eta lurpeko uren aprobeitxamendu bateratua. Emariak babesteko perimetroak.

17. Edateko uraren hornidura: hornidura-eskaria, zuzkidurak, azaleko eta lurpeko uren hartuneak, arazketa-estazioa. Eraikuntza, ustiatzea eta kontserbazioa. Kontrolik gabeko kontsumoak: galerak, azpi-zenbatzea, forugabeak, fakturatu gabeak. Arauketaren bermea. Berme-irizpideak. Arauketa-eredu matematikoak. Ekarpenak banatzeko legeak.
18. Hondakin-urak saneamendu eta araztea: Kutsadura-kontrol eta indizeak, arazketa-sare eta -estazioak diseinatzeko irizpideak, arazketaren oinarrizko etapak, indarreko araudia. Eraikuntza, ustiatzea eta kontserbazioa.
19. EAEko hornidura- eta saneamendu-sistemen ezaugarriak. Erakunde kudeatzaileak.
20. Klima-alaketaren eraginak. "Damurik ez" ("no regrets") neurriak. Lehortekak. Lehortekak karakterizatzea. Lehortea eta eskasia. Indarreko araudia eta erreglamenduak. Lehortearen aurkako planak.
21. Proiektuen eta obren kudeaketa. Informazio geografikoko sistemak. GIS motak eta datu-ereduak. Proiektuak kudeatzeko tresnak eta teknikak. Kalitatea kudeatzeko sistemak.
22. Sektore publikoko kontratuak. Kontzeptu eta motak. Osagaiak eta esleipen-prozedurak. Betetzea. Prezioak berrikustea eta kontratuaren beste aldaketa batzuk. Administrazio-kontratuak ez betetzea.
23. Administrazio Publikoen Administrazio Prozedura Erkideari buruzko urriaren 1eko 39/2015 Legea eta Sektore Publikoaren Araubide Juridikoari buruzko urriaren 1eko 40/2015 Legea
24. 31/1995 Legea, azaroaren 8koa, Laneko Arriskuen Prebentzioari buruzkoa
25. 3/2007 Lege Organikoa, martxoaren 22koa, Emakumeen eta Gizonen Berdintasun Eragingarrikoa, eta Euskal Autonomia Erkidegoko Emakumeen eta Gizonen Berdintasunerako otsailaren 18ko 4/2005 Legea.